

دائرة مخصوصه

در سعادتده باب عالی جوارنده

محل اداره :

مشرط القلم

اخطار :

مسلكمزه موافق آثار جديده مع المنوئيه

قبول اولور

درج ايدهلن آثار اعاده اولتاز

ديبر، فلسفه، علوم، حقوق، ادبياتده و سياستمانده و بالخاصه كرك سياسى و كرك اجتماعى و مدنى احوال و شئونه اسلاميه در بحث ايدر و هفته ده بر نشر اولنور.

آبونه بدلى

صاحب و مؤسسلى :

در سعادتده نسخه سى ۵۰ پاره در

ابوالعلا زين العابدين - ح . اشرف اديب

سنه لكى التى آيلنى

ممالك عثمانيه	ايچون	۸۰	۴۰	غروش
روسيه	»	۶۰۵	۳۰۵	روبله
ساثر ممالك اجنييه	»	۱۷	۹	فرائق

تاريخ تأسيسى

۱۰ تموز ۳۲۴

قيراهن متوا بورو ايله كوندريليس سنوى
۲۰ غروش فضله آلنير

عدد : ۶۳

۴ ذى القعدة ۳۲۷ پنجشنبه ۵ نشرين ثانى ۳۲۵

اوچنچى جلد

سايه سنده در كه بر مات محكوم بر ملت حاكمه نك بارتحكه قاتلان بيلير .
أوت او يوكى كنديسنه خفيف كوستره جك ، اوملته تاملنى تهوين
ايد جك وسائط انجق بولردر . لكن هانوتو وامثالى كى فرانسه
رجال سياستى شواوچ اساسه دائر برشى بيلمكلى ايچون ، حساب
ايتدكلى غايته وارمق امله آكلامادقلى حقايقدن متصل دم اوريورلر .
« فلينظروا انا معهم من المنتظرين » . محمد عاكف



علم فقه تاريخندن بر بارچه :

اجتهاده دائر

دور اصحابه اجتهاد :

۵۹ دن مابعد

خلفای راشدين دورلرنده ، صوك كونلرى علم فقه وسائر علوم
اسلاميه نك مرا كز مهمه سى صردينه كچن بتون بلاد فتح ايديش ،
بوابده بيوك براهيتى حائر اولان كوفه وبصره بلده لرى دخى تاسيس
اولمشدى . ممالك اسلاميه نك دائره سى چين حدودينه ، بحر محيط
اطلاسى به قدر توسع ايتش ؛ دين مين اسلامى قبول ايدنلر ك عددى
دخى مليونلرى كچمشدى . فتح اولوب خراج ربط اولنان ممالك
اهالى غير مسلمه سى دخى مزايای اسلاميه نك عاشقى اوله رق دين مين
اسلامى بن صميم القلب قبول ايدورلردى . بوسورتله دائره توحيد
دخى حدود ممالكى تعقيباً توسع ايدورلردى . بتون شوطلك نتيجه سى
اولمق اوزره علم فقه اولان احتياج دخى بتون معناسيله باش كوستر-
يوردى ؛ بر مسلمانك معالمتنده حق وعدالتدن آريلامسى ، عباداتى
وجه مشروع اوزره اجرا ايتمه سى لازمه دن ايدى .

اشته بر مملكت اسلاميتك دخولندن صوكره لك اول لزومى حس
اولنان شى ، علم جليل فقه اوليورلردى . بر مملكتك معنا دخى فتحى
متعاقب ، يامراجعت وياخود مقام معلاى خلافتجه حس اولونان لزوم
اوزرينه مركزدن اورايه برفقيه ارسال اوليورلردى عبدالله بن مسعود
حضرتلرى كوفيه بوسورتله كيتمشلردى . بعض اصحابك مجاهدين
كرامه اشتراك ايدرك مركز خلافتدن تباعد ايتش بولندينى حالده
اوملكتجه تعليم وافتالرينه لزوم كورولمكله اورالرده قالدني ده اولمشدر .
فخر كائنات افندمرك ارتحالندن صوكره اصحاب كزين حضرتانى
استعداد ذاتيلرى ، ميل فطريلرى اعتباريله اوچ طبقه منقسم كى
كورونيورلردى : علما ، امرا ، مجاهدين . معافيه صورت ظاهرده
اصحاب آره سنده بر كيفيت تقسيمه ابراز ايد جك قدر بر آچيلاق مشهود
اوليورلردى ؛ هله امرا اكثريت اوزره علمادن ايدى . بر چوق
غزواته عالم بر صحابيك احاد ناسدن برى كى مجاهده به اشتراك ايتديكى
كوروليورلردى . طرق حيات ومعيشته هب برابر كيدورلر ؛ استيفاي
معاش خصوصنده دخى آرالرنده علم اعتباريله بر فرق كوروليورلردى .
فقط بتون بولرله برابر او حكومت فاضله نك روحى علماسيله قائم
بوليورلردى . سعادت انسانيه ي متكفل اولان مقدس اديال آنلرك
دماغنده محفوظ ايدى .

ارتحال نبويدن صوكره اصحابدن بر چوق مجاهدين كرام
اطراف واكنافه انتشار ايتدكلى كى ، علمای اصحاب دخى كندى
وظيفه لرني ايفا وغايه امللريني ناسه تبليغ ايتك اوزره ممالك وسيعه
اسلاميه طاعلمشلردى . حضرت بلال ، ابو ذر غفارى ، ابوالدرداء ،
عبادة بن الصامت شامده ، ابن عباس مكده ، ابن مسعود كوفه ده ، ابو
موسى الاشعري بصره ده . . . بوليورلردى . اوممالك اهالي سى
امور دينيه لرني ، احكام جليله اسلاميه ي ، حلال وحرامى شو
ذوات كرامدن تلق ايدورلر ؛ مسائل مشكله ظهورندن ينه آنلرك
فتوالرينه مراجعت ايدورلردى . ايشته اوراده بولنان علمای اصحاب
ايچون معقول جوابلرله آنلرك قبللريني تنوير ايتك ، توقف ايتدكلى
نقطه ده عقده لرني حل ايله طريق صوابه سوق ايتك ، استفتالرينه
شرعى جوابلر اعطا ايدرك ارشاد ايتك اهم وظائفدن ايدى . شو
مهم وظيفه لرني حقيه اجرا ايد بيلمه لرى ايچون ده منحصر آ ايكي
طريق موجوددى :

۱ — كتاب وسنتى رهبر اتخاذايتك .

۲ — كتاب وسنتده مسئله به تماس ايد جك بر اثره تصادف

ايدلديكى صورتده « اجتهاده » مراجعت ايتك دن عبارت ايدى .
بر مسئله نك كتاب وسنتده موجود اولوب اولماديني بيلمك ايچون ده
شبهه سز كتاب وسنتى بيلمك اقتضا ايدورلردى . كتاب هر نه قدر
مدون ايدى ايسه ده ، سنت هنوز جمع وتدوين ايديله مش ، اوزرنده
نتبعات اجرا اولنمشميدى . صوك كونلرى يوز بيكلى متجاوز
اوله رق ميدانه چيقان ، يكرمى اوچ سنه لك بر عمرى استيعابه كفايت
ايد بيلان تعليمات نبويه هب قلوب اصحابه توزيع وتوديع اولمشدى .
— فقط بو آثارك ، تعليمات نبويه نك اورنالقدن غائب اوله رق
ضياعه اوغرامق احتمالى يوقدى . چونكه احتياج ، شو آثار شريفه نك
هب ظاهره اخراجى مسلكنى تعقيب ايدورلردى . ارتحال نبويدن
صوكره سماع ، روايت ، حكايه طريقيله بو آثارى ايشيدنلر ،
كورنلر ديكرلرينه نقل ايلرلردى . بوسورتله « روايت » ميدانه
كلشدى . نقلده رجالى ، طرق احاديثى ذكرايتك حديثه ، اثره وثوق ،
قوت بخش ايتكده اولديغندن اصول روايتدن اعتبار اولندى . بو
صورتله « اسناد » ميدانه كلشدى . —

بناء عليه بو مسئله حقنده سنتدن بر اثر موجود اولوب اولماد-

يغنى بيلمك ايچون ايكي طريق بوليورلردى :

۱ — كنديسندن استفتا اولنان ياخود بر وقعه به معروض قالان

صحابيك كندى محفوظاتنه مراجعت ايتك طريقى ايدى . بوقولاى
ايدى . چونكه اصحاب كرام ، آثار نبويه ي پك زياده دقتله
محافظه ايدرك همان نقل باللفظ درجه سنده اعتنا ايديورلردى . زيرا
فخر كائنات افندمز آنلرى بويله براعتايه دعوت بيورمشلردى : —
« نظر الله امرأ سمع منا مقالة فوعاها وأدعاها كما سمعها . . . » اشته انكچون
اصحاب كرامجه سنن واحاديثى استدكلى كى ادا ايتك زياده سييله
ملتزم كوروليورلردى .

اشته بونکچون اصحاب کرام ایجاب ایتدیکی صورتده اجتہاد بیورلر، مسئلهده حل اولنوردی .

فی الحقیقه کرک جزیره داخلنده، کرک خارجنده اولان عرب وسائر اقوام ابتدائی برطرزده اولسون کندیلرینک عرف وعادتلی، یاخود حکومت وحکمالری طرفندن وضع اولنان قوانین ایله اختیارلی، حکملری، محکمه لری حضورنده حل مسئله ایتمه آلیشمشیلردی . آرتق دین مبین اسلامی قبول ایتدکن صوکره دخی مسائل معلقه نك حلی، حیات ومعیشته کندی سلکنده جریان ایده بیلیمسی ایچون بعض عقده لره ازاله سی ایجاب ایدیوردی . اسلامیتی قبول ایتمه مسئله معلقه یی یوز اوستی براقق، حیاتی، معیشتی سکتیه اوغراتاق قطعاً جائز دکلدی . هرکسک مسئلهیه کندی بیلدیکی وجهله بررنک ویره رک کچشدیرمه سی ده جائز دکلدی . زیرا بویله کیفی ایشلر باب عباداتده قطعاً معتبر اولماقوله برابر، معاملاتده دخی تشوشه، عدم انتظامه بادی اوله جفتدن بر مسلمانک بوکا جسارت ایده میه جکی شبهه سزدی . بناء علیه مسئله یی، عباداته عائد ایسه شرعی، معاملاتده عائد ایسه هم شرعی، همده مصالح عباده موافق ومعقول برطرزده حل ایتمه ایجاب ایدیوردی . اشته مسئله نك بویله حل اولونه بیلیمسی ایچونده قوی، متین، فقط تجربه یه مستند بر اقتدار علمی لازم ایدی، که اوده موضوع بحثی تشکیل ایدن «ملکه اجتہاد» دن عبارتدر . علمای اصحابده ایسه بو ملکه بتون مناسبیله موجود بولیوردی . آنکچون هیچ بر وقت اظهار عجز ایتزلر؛ مسئله یی همان ایجابی وجهله حل ایدیورلردی .

قزانی حلیم ثابت

صوکی وار



عقب وفاتنده ایکی چوخی ده ارتحال ایتش کنج بر والدته نك کتابه سنک مناری :

دنیاده در آغوشه اجل ویرمه دی امکان،
ایتدی بنی هم مقبر ایکی یاوروجفمله ؛
آرتق طوته رق دست یتیمانهلرندن
کلم سکا ربم ! ایکی اوکسوز چوجفمله !

طاهر المولوی



بیلدیز

پیشکده هولناک حقیقتلری اورتن
برلیل سرائر

هرلمه یی بلع ایلیره رک حکم ایدیورکن
لاقید وسکونگیر

سن شبهه لی سیسلردیه مهابتله دوروردک
مظلم کیجه نك محرم اسراری اولوردک .
آفاقکه شهبال امل یاقلاشه مازدی ،
اطرافکی انظار حقایق آشامازدی .

۲ — استشاره طریق ایدی . فقط ارتحال نبویدن صوکره بوحال ایجه کوچلشمشدی . باخصوص اطراف واکناهه کیده رک مرکز خلافتدن تبعاً ایتش علمای اصحاب ایچون بوبک مشکل برایش اولمشدی . حتی مرکز خلافتده دخی بونک حقیقه اجرایی قابل اولیوردی . زیرا اولجه عرض ایتدیکم وجهله وظائف ایجه تنوع ایتش، تعامل اولق اوزره هر نوع وظائف ایچون اوکنه کچلر بولمشدی . حالبوکه ارتحال نبویده اهالی اسلامیه نك عددی میلیونری کچمش، فقه وافتا ایله شهر تشعار اولک اصحابک عددی آنجق یوز اوتوز بوقدر عدده منحصر قالمشدی . علما آزدی . بونکله برابر او علمای اصحاب، دیگرلرینک وظائفدن کبی عداولونان مجاهده یه دخی اشتراک بیورلردی .

حالبوکه ارتحال نبویدن صوکره اصحاب کرام جهات اربعه یه فتوحات ایچون، نشر دین مبین اسلام ایچون طاغلمشردی . مرکز خلافتده بیله علمای اصحاب پک آز قالمشدی . ومع ذلك مرکز خلافت دیگر طرفله قیاس اولنه جق حالده دکلدی . علمای اصحابدن بولونان بر ذات مقام معنای خلافتی اشغال ایدیور، یاننده — مثلاً شیخینک خلافتلری اثناسنده — حضرت علی، امهات مؤمنین . دائماً حاضر بولیوردی . فقط طشره لرده بویله دکلدی : برسوری جاهل اهالینک ایچنده عالم بر صحابی همان همان یالکیز بولیوردی . هر نه قدر اصحاب کزین اودرجه جاهل دکل ایسه ده، برچو غنک علم ایله ممارسه لری پک آزدی . یرلی اهالی ایسه روح اسلامیتدن بوسبتون خبرسز بولیوردی . بلکه بالعکس اسلامیه مخالف پک جوق افکار جاهلیه بسلدکاری دائماً مشهود اولیوردی .

اهالی عراقیه، اهالی عجمیه، اهالی قبطیه وکرک سائر اقوام وقتیه یا مجوسیت، یاخود چیغرنندن چیقاریلش نصرانیت ایله ظلم واستبداد آلتنده ازیلش، روحلری زهرلنش، دماغلری افسانه لر و خرافات ایله طولش، مجوسیتک اسرار انکیز اعتقاداتی قوه معنویه لرینی، اخلاقلرینی تماماً محوایلشدی . اشته اطراف وحوالیده اولان اهالینک حالی هپ بویله ایدی . آرازلنده حقیقه تربیه اسلامیه کورمش آنجق بر صحابی بولیوردی .

اشته بتون شو سبیلردن طولایی طشره ده بولنان بر صحابی ایچون استشاره ایدرک تبعات علمیه ده بولنق پک کوچ ایدی . بناء علیه مسئله نك حلی ایچون منحصر آ بر طریق موجود ایدی که اوده «اجتہاد» ایدی . ذاتاً اصحاب کرام لازم اولان موقعده اجتہاددن کبرو طورمازلردی . چونکه ایجاب حال بویله ایدی . بر مسئله مشکله یی حل ایتمه مک، یاخود لیت لعل ایله سورونجمه ده براقق پک زیاده سوء نتیجه ویره بیله جکدی . طشره لرده، باخصوص اسلامیتی یکی قبول ایدن مملکتلرده سکوت ایده رک بر مسئله یی جوابسز براقق قطعاً جائز دکلدی . احتمالکه بو صورتله اهال ایتک ایشی بوسبتون بوزمقله اهالینک اسلامیتدن صغومسنی ده موجب اوله جقدی .